

۵ رمضان سنه ۱۳۳۶

جمعه

۱۴ حزيران سنه ۳۳۴

سر محمدری : مصطفی فوزی

تاریخ تاسیسی ۱۳۲۷ سنه هجری
سنه ۸۰ اعتباریه مملک شاهانه ایچون پیشه
اوله رق ۸۰ آلتی آیلمی ۴۰ غروش
ومملک اجنبیه ایچون ۲۰ فرانقدر

حزین صوفیه

شمدیلک هفته ده بر نشر اولنور

صاحب امتیاز و مدیر مسئول حسن کاظم

ملت عثمانیه - امت اسلامیه ایچون مفید اولان آثار
مصحفه لر منزه آچیتدر درج ایدلمیان اوراق اعاده ایدلر.

مطبعه و اداره خانه سی : استانبول باب عالی جوارنده
ابوالسعود جاده سی نوسرو ۷۵ اصحاب سراجاته
هر ساعت آچیتدر

نسخه سی ۶۰ پاره در

تصوفی، دینی، اخلاقی، ادبی، سیاسی جریده اسلامیه در

نوسرو ۱۴۳

شئونات

رمضان مغفرت نشان

طوغدی بیک شمعنه فیض ایله ماه رمضان
قلب مؤمنده ایدر نور سعادت لمان
باب غفران الهی آچیلور اسلامه
صاچیلور انفس و آفاقه فیوض رحان

نه سعادت ، نه شرف اهل صلات و صومه
که اولور معصیتی مظهر عفو و غفران
عکس ایدر قبه افلاک صدای تهلیل
اولور انوار فیوض خدا برق افشان

قلوب اهل اسلام ینه اشرف ایامک ادراکیله بکام اولدی . عامه
مسلمین عندنده معلومدر که رمضان شریف شهرک الکیرلی و مبارکی
اولوب الی الابد مدار نجات از اولان قرآن کریم بو آیده شرفنازل اولمش
واشرف ایام اولان لیله قدر بو آیه تصادف ایلشدر .

جناب حق بو ماه مبارکده مسلمینه مغفرت وعد بیورمشدر .
قدر صائمین عند الهیده بغایت بالادز . بو سنه جوامع شریفه ده
واعظین کرام اخوان دینه حقایق جلیله اسلامیه بی بر لسان بلاغته
نشر واعلام ایلدیکه قبلرمز بر حس جوشان ایله تهییج ایدیه جک
موعظه دن منتظر اولان صلاح قلبی بتون قوتیه حکمفرما اوله جقدر .
جناب حق صائمین سور ، اولتله جنتی وعد بیورمشدر . قدر صائم
سائر احکام دینییه بقدر الاستطاعه ایفا ومالا یعنیانیدن اتقا ایله ترفع
ایده جکندن بالجمله اخوان دینک بو آیک فیوضات مادیه ومعنویه سندن
بالاستفاده استعجاب مغفرت الهیه به بذل مساعی ایدیه جکی شهیه سزدر .
همان جناب فیاض مطلق حضرتلری بو ماه مبارکک فیوض
لاتخصاصی حرمنه امت ناجه اسلامیه بی هر درلو اسباب سعادتده
بهره دار بیورسون آمین .

قریم حکومتی مسلمان پارلمنتوسنک مقرراتی

قریلیر جمعیت خیریه سندن ویریلان معلوماته کوره قریم مسلمان
پارلمنتوسی ۱۸ مایس سنه ۹۱۸ تاریخنده عقد اجتماع ایله قریعده
تأسیس ایدیه جک حکومتده دائر مقررات آتییه قبول ایتشدر .

۱ — قریم مسلمان پارلمنتوسی کنديسی موقت قریم پارلمنتوسی
اعلان ایدر وبتون مملکت عائد حکومتک وپارلمنتوسنک تشکیلی
درعهده ایلر .

۱ — مملکت پارلمنتوسنک اجتماعنه قدر یالکیز مسلمانلره عائد

خصوصاتک مذاکراتنده مسلمان پارلمنتوسی ، قریم مسلمانلری
صفقیله حرکت ایدیه جکدر .

۳ — قریم مجلس مؤسساتنک اجتماعنه قزار ویرمک خصوصی
مسلمان پارلمنتوسی قریم پارلمنتوسنه ترک ایدر .

۴ — قریم هیئت حکومتی ، نفوس و وضعیت اجتماعی و اقتصادی
اعتباریله حائز اهمیت ملتیره منسوب اوله رق مختلط بر صورتده
احداث اولنه جقدر .

۵ — هیئت حکومتی رئیس مسلمان پارلمنتوسی طرفندن انتخاب
اولنه جق و مومی الیه طرفندن تشکیل ایدیه جک قایینه کندیسنه
پارلمنتوجه بیان اعتماد اولنسی صورتده تصویب ایدیه جکدر .

۶ — عموم قریه مخصوص پارلمنتونک اجتماعنه قدر حکومت
مسلمان پارلمنتوسنه قارشو مسئول بولنه جقدر .

۷ — حکومت جدیدنک المنه رسمیه می تاتارجه وروسجه در .

۸ — قریم مجلس مؤسساتنجه مسئله صورت قطعیه ده حل اولنجه یه
قدر قریم رسمی یارای کورک یارقدر .

۹ — قایینه باش وکیلی ایله سکز ناظر دن مرکبدر .

۱۰ — نظارتلر شوبلردر ۱ داخلیه ، ۲ خارجیه ۳۰ حربیه ،

۴ طرق مناقله پوسته و تلغراف ، ۵ معارف مایه ، ۶ زراعت ، صنایع
و تجارت ، ۷ مالیه و دولت قونترولی ۸ عدلیه . جعفر سید احمد
بکک باش وکیل انتخابنه دائر کنديسنه اعطا اولنان یارلق (لیخ)
صهرتی بوجه آتی در :

محترم جعفر افندی

مملکتک سیاسی ، اداری و اقتصادی خصوصلرده شدتلی تزلزلاته
دوچار اولدینی بر زمانده مسلمان پارلمنتوسی سزلی برنجی قریم باش
وکالته تعیین ایلشدر برسنه انقلاب و اوچ آیده بولشه ویک آتارشیسنه
معروض قالمش اولان قریم ملتیرینک سزه اظهار اعتماد ایلیه جکی
بیلهرک بتون قریم ملتیرینک مظاهرتی حائز اولان مسلمان پارلمنتوسی
سزک تجربه سیاسی کز سایه سنده ، مملکتی سیاسی ، اقتصادی و اداری
بحرانندن چیقاره جفکزه بیان امنیت ایلر . جناب حق مینکزا اولسون .

اقسجد ، ۱۸ مایس ۱۹۱۸

پارلمنتو رئیسلی : عبدالحکیم حلمی . حسن صبری . آوازوف .

کانلیر : س . طر قچیف ، آ . نادانینسی

مدیر مسئول : حسن کانلم